



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

## **ARAITZ-ARESO-BETELU-LARRAUN ETA LEKUNBERRIKO KIROL MANKOMUNITATEKO TEKNIKARIAREN LANPOSTURAKO ORDEZKAPENA ETA LAN POLTSA OSATZEKO DEIALDIA.**

**Araitz-Areso-Betelu-Larraun eta Lekunberriko Kirol Mankomunitateak Kirol teknikaria behin-behinean ordeztu eta lan poltsa bat eratzeko deialdia luzatzen du.**

1.\_Arau orokorrak.

1.1. Deialdi honen xedea da Araitz-Areso-Betelu-Larraun eta Lekunberriko Kirol Mankomunitatearen zerbitzuko kirol koordinatzailearen ordezkapena oposizio-lehiaketa bidez betetzea eta lan poltsa bat sortzea etorkizunean behin behineko kontratazioak egiteko.

Nafarroako Enplegu Zerbitzuak lanposturako baldintzak betetzen dituztenen zerrenda baliatuko dugu. Ondotik hutespen proga egin eta gainditzen dutenekin zerrenda osatuko dugu puntuazioaren hurrenkerari jarraituz.

Zerrenda erabiliko da behin-behineko ordezkapenentarako lanen bajengatik, oporregatik edo kirol zerbitzuak indartzeko behar puntualengatik; halakoetan kontratazioa egokituko da kasuan kasuko lanpostura.

Edozein kasutan, deialdi honetatik sortuko den zerrenda orain indarrean dena osatzeko izanen da. Horregatik dagoeneko baden zerrendako hautagaiei deituko zaie lehenbizi eta ondoren deialdi honen bidez ezarriko den zerrendan ageri direnei.

1.2. Izendapenak behin-behinean lan-kontratudun bilakatuko du izendatua ordezkapena egiteko, ondorio guztietarako, kontratatua den unetik ordeztua lanpostura itzultzen den arte edo titularra lehenago itzuliko balitz hau itzultzen den arte.

1.3. Lanpostuak B mailari dagozkion lansariak izanen ditu, Nafarroako Administrazio Publikoen Zerbitzuko Langileen Estatutuan ezarritakoaren arabera eta egun mankomunitatean indarrean dagoen plantila organikoaren arabera.

1.4. Hautapen probak gairitu ondotik deialdi honetako lanpostua betetzeko izendatzen den izangaia, Gizarte Segurantzaren Araubide Orokorrean afiliatuko da; alta emanen zaio araubide horretan eta hark aurreikusten duen babesa izanen du.

1.5. Lanaldia osoa izanen da eta zerbitzuaren beharretara egokituko da; administrazio organo eskudunek noiznahi aldatu ahalko dute, zerbitzuaren beharren arabera.

1.6. Lanpostuak nahitaezko hizkuntz eskakizun hau du: C1 maila edo E.G.A.

2.\_Eginkizunak.

2.1. Deialdi honen kariaz izendatzen den izangaia ondoko eginkizunak izanen ditu:

a) Alorrek landu beharreko programa eta jarduerak diseinatu eta planifikatzea, baita haiek antolatu eta abian jartzea ere, hartutako erabaki eta irizpideei jarraituz: kirol jarduerak, partaidetzakoak eta aisialdikoak.

b) Zuzendu eta ongi burutzea herritarren kiroleko, aisiako eta astialdiko jarduerak, kirol eskola eta klub bidez; orobat, bere eskumeneko alorrean herritarrek gauzatzen dituzten jarduerak guztiak.

c) Jarduera fisikoarekin eta kirolarekin lotutako taldeak osaraztea eta bultzatzea eta behar den laguntza tekniko amatear, antolaketak ezarritako betebeharrekin bat.

d) Herritarren mugimendu eta ekimenak sustatzea eta laguntzea bere jardueraren esparruan, elkarren arteko jardueren plangintza egin ahal izateko.



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

- e) Herritarrei harrera egitea eta informazioa eta orientabideak ematea bere lan esparruko gaietan.
- f) Herritarren eskakizunak eta eskaerak kudeatzea, eta haiek betetzeko behar diren ekintzak taxutzea.
- g) Antolaturiko jarduera eta programak iragartzeaz eta ezagutarazteaz arduratzea.
- h) Programaturiko jarduerak nola betetzen diren ebaluatu eta segimendua egitea, eta beharrezkoak diren zuzenketak sartzea.
- i) Parte hartzea, eta Mankomunitateari argibide eta aholku ematea, eta horretarako txostenak prestatuz eta erabaki posibleak aztertuz, eta aktak prestatzea eta kontabilitatea eramatea.
- j) Kirol instalazioak erabiltzeko ordutegiak antolatzea, abonodunek, kirol eskola eta kublek, bizilagun elkarteek, federazioek eta abarrek erabil ditzaten.
- k) Harreman etengabea izatea kultura, hezkuntza, emakume edo gazteriarren alorrekin eta besteekin, udalerrri guztietan kirola bultzatzeko.
- l) Herriko festetako kirol jarduerak, kirol jarduera bereziak, kirol ikuskizunak eta horien antzekoak taxutu eta planifikatzea. Horiek antolatu, abian jarri, kontrolatu eta bukatzeko lanetan, zuzendari lanak egitea.
- ll) Aipatutakoez gain, bestelako zereginak beteko ditu: bere karguari lotutako gaitasun eta ahalmen profesionalekin bat, ezarritako helburuak lortzearen agintzen zaizkionak.

3. Oposizio-lehiaketa honetan onartuak izateko izangaiek baldintza hauek bete beharko dituzte:

3.1. Hautaketa honetan onartuak izateko, izangaiek baldintza hauek bete beharko dituzte eskabideak aurkezteko epea bukatzen den egunean:

- a) Espainiako nazionalitatea edo Europar Batasuneko beste edozein estatutakoa edukitzea eta adinez nagusi izatea..
- b) Eskabideak aurkezteko epea bukatzen den egunean gutxienez ere, Gorputz Hezkuntzako diplomadun titulua edukitzea, edo Irakasletza titulua Gorputz Hezkuntzako espezialitatean edo Kirol eta jarduera fisikoko hezkuntzan lizentziatua edo baliokidea.
- c) Bete behar dituen eginkizunetan aritzeko adinako gaitasun fisiko eta psikikoa izatea.
- d) Euskara maila: Euskarazko C1 edo titulu baliokidea izatea. Titulorik eduki ezean izangaiek proba bat gainditu beharko du titulazio horren baliokide izanen dena.
- e) Eginkizun publikoak betetzeko ezgaitua edo gabetua ez izatea, eta inongo Administrazio Publikoren zerbitzutik berezia ez izatea.
- f) Gidabaimena izatea, gutxienez ere B1 kategoriakoa.

3.2. Baldintza horiek deialdi honetako laugarren oinarrian adierazitako epean eta eran frogatu beharko dituzte izangaiek, baita bete ere oposizio-lehiaketak dirauen bitartean eta izendapena egiten den arte.

4. Eskabideak.

4.1. Deialdian parte hartzeko eskabideak Lekunberriko Udaleko erregistroan aurkeztu beharko dira, deialdi hau Kirol Mankomunitateko blogean argitaratu eta Nafarroako Enplegu Zerbitzutik deialdia luzatzen den unetik hasita maiatzaren 16ko eguerdiko 13:00ak baino lehen.

4.2. Eskabideak deialdi honetako II. eranskinean argitaratzen den ereduaren arabera izanen dira, eta hura Lekunberriko Udalaren bulegoetan jasoko da, Lekunberriko Udala, Alde Zaharra 41, 31870 Lekunberri.

Administrazio publikoaren prozedura administratibo erkideari buruzko urriaren 1eko 39/2015 Legean adierazitako gainerako moduak ere erabil daitezke eskabideak aurkezteko.



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

Haietan izangaiek adierazi behar dute baldintza guzti-guztiak betetzen dituztela eskabideak aurkezteko epearen azken egunean.

4.3. Eskabidearekin batera agiri hauek aurkeztu beharko dira:

- a) Nortasun agiri nazionala edo horren parekoaren kopia konpulsatua.
- b) Deialdiaren hirugarren oinarrian eskatzen den tituluaren fotokopia konpulsatua edo titulua lortzeko eskubideen ordainagiriarena.
- c) B1 gidabaimenen konpulsatua edo parekoa.
- d) Zortzigarren oinarrian ezarri diren merezimenduak oposizio-lehiaketaldian baloratuko direnak\_ frogatzen dituzten agiriak. Agiriak jatorrizkoak edo behar bezala konpulsatutako kopia izanen dira, bestela aurkeztu gabetzat joko dira.

4.4. Izangaiek oposizio-lehiaketan parte hartzeko eskabidea aurkezten dutenean egiaztatu eta frogatu beharko dituzte baldintzak eta merezimenduak, agiri bidez, edo, betiere, eskabideak aurkezteko epea akitzen den egunean. Dokumentazio hori aurkezten ez bada eskabideetarako ezartzen diren epean eta moduan, merezimenduak ez dira baloratuko. Nolanahi ere, oposizio-lehiaketaldiko merezimenduak kontuan hartzeko, epearen mugatzat hartuko da deialdi honetan parte hartzeko azken eguna.

4.5. Eskabideak aurkezteko epea ezin izanen da luzatu.

5.\_Epaimahaia

5.1. Epaimahaia honako kide hauek osatuko dute:

\_Mahaiburua: Joseba Eskamendi Iriarte, Araitz-Areso- Betelu-Larraun eta Lekunberriko Kirol Mankomunitateko burua.

Ordezkoa: Beteluko Udaleko ordezkaria, izendatzeke.

\_1. Mahaikidea: Ion Gurrutxaga Etxeberria, Araitz-Areso- Betelu-Larraun eta Lekunberriko Kirol Mankomunitateko partaidea.

Ordezkoa: Aresoko Udaleko ordezkaria, izendatzeke.

\_2. Mahaikidea: Amaia Gerrikagoitia Uriarte, Araitz-Areso- Betelu-Larraun eta Lekunberriko Kirol Mankomunitateko partaidea.

Ordezkoa: Mankomunitateko eta Nafarroako Udaletako ordezkari tekniko bat, izendatzeke.

\_3. Mahaikidea: Larraitx Osés Ripalda, Araitz-Areso- Betelu-Larraun eta Lekunberriko Kirol Mankomunitateko partaidea.

Ordezkoa: Lekunberriko Udaleko ordezkaria, izendatzeke.

\_4. Mahaikidea: Beteluko Idazkaria.

Ordezkoa: Larraungo idazkaria.

5.2. Epaimahaia ezin izanen da eratu, ezta aritu ere, kideen gehiengo osoa bertan izan gabe.

5.3. Epaimahaiak gehiengoz erabakiko ditu deialdiaren oinarriak ulertu eta aplikatzeko moduaren inguruan sortzen diren arazo guztiak.

5.4. Epaimahaiak aholkulari adituak ekarri ahaliko ditu proba guztietarako, edo batzuetarako soilik.

6.\_Hautaketa-lehiaketaren nondik norakoak.

6.1. Hautaketa-lehiaketa bi alditan gauzatuko da, oposizioaldia lehenbizi eta lehiaketaldia gero.



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

Gehienez 50 puntu lortu ahal direlarik.

#### 7.\_Oposizioaldia.

7.1. Oposizioaldiak ondoko ariketa hauek izanen ditu, eta gehienez ere 35 puntu lortu ahal dira bertan:

\_Euskara proba: eskatzen den euskara tituluaren jabe ez diren izangaiek gaitasun proba egin beharko dute; ahozko eta idatzizko ariketa izanen da, epaimahaiak prestatua, eta hartan izangaiaren kalifikazioa gai edo ez gai izanen da. Delako proba hori NAPiko teknikariek eginen dute, eta oposizioaldiko ariketak hasi baino lehen egin beharko da, baztergarria izanen baita.

\_Oposizioaldia:

1. ariketa: Garatzeko 5 galdera motz, kiroleko udal kudeaketa planifikazioari buruz, hautagaien ezagutzak jakite aldera, honako gai orokorren inguruan: kudeaketa motak, planifikazio mailak eta klaseak, kirolaren antolaketa publikoa eta pribatua, udal eskumenak eta kirolari buruzko legedia. Proba honen gehienezko denbora 40 minutukoa izanen da. Atal honen gehienezko puntuaketa 10 puntukoa izanen da.

2. Ariketa: Lanpostuarekin zerikusia duen kirol kudeaketa eta planifikazioari buruzko ariketa teoriko-praktikoaren garapena. Gehienez ere 2 orduan. Epaimahaiak planifikazio hori egin ahal izateko gida bat emanen du ariketaren datarekin batera. Atal honen gehienezko puntuaketa 25 puntukoa izanen da.

Kanporatuak izanen dira bi ariketen artean gutxienez 15 puntu lortzen ez dituzten hautagaiak.

7.2. Probak zein egun, ordu eta tokitan eginen diren, aldeztuak diren legearen arabera emanen da.

7.3. Izangai guztiek Nortasun Agiri Nazionala edo legez baliokidea den agiria aldean dutela agertu beharko dute probetara. Probetan iruzurra egiten bada, edozein delarik ere, izangaia segituan baztertuko da, etor daitezkeen jarduketa penalak ukatu gabe.

#### 8.\_Lehiaketaldia.

8.1. Lehiaketaldian 15 puntu lortu ahal dira gehienez eta ez da baztergarria izanen.

8.2. Laugarren oinarriaren arabera alegatu eta frogaturiko merezimenduak ondoko baremoari jarraikiz baloratuko dira:

\_Administrazio publiko batean, kirol koordinatzaile gisa edo horren antzeko beste lanpostu batean emandako zerbitzuak: lanaldi osoan urtebete egiteagatik puntu 1; gehienez ere 5. Gutxienez lanaldi erdian betetako lanpostuak baloratuko dira, betiere dagokien proportzioan. Nork bere toki administrazio publikoko organo eskudunak emandako egiaztagiriaren bitartez frogatu beharko du.

\_Entitate pribatuetan kirolaren arloko edo gizartearen eta kirolaren arloko kudeaketari lotutako zerbitzuak ematea: lanaldi osoan urtebete egiteagatik 0,5 puntu; gehienez ere 5. Gutxienez lanaldi erdian betetako lanpostuak baloratuko dira, betiere dagokien proportzioan. Zerbitzu horiek frogatzeko, lan kontratua edo horren kopia behar bezala konpultsatua aurkeztuko da; horrekin batera, lan biziaren ziurtagiria.

\_Jardunaldiak, ikastaroak, mintegiak eta masterrak, kirol arloko planifikazioari, kudeaketari, kalitateari, giza baliabideei, programazioari, antolakuntzari edo ebaluazioari buruzkoak: puntu bat 100 orduko; gehienez ere 2,5 puntu. Ikastaroa eman zuen entitateak luzatutako ziurtagiriaren bidez frogatuko da; hor berariaz agertuko da zenbat ikastordu izan diren.

8.3. Epaimahaiak noiznahi eskatu ahal dira lehiatzaileek azaldutako merezimenduei buruzko argibideak eta datu

9.\_Probak gaintu dituztenen zerrenda, epaimahaiaren proposamena eta agirien aurkezpena.

9.1. Oposizio-lehiaketako bi aldiak bukatu ondoren, epaimahaiak Beteluko Udaletxeko iragarki oholean eta kirol mankomunitateko blogean paratuko du probak gaintu dituztenen zerrenda, lortutako puntuazioaren hurrenkeran, izangaiek lehiaketaldian eta oposizioaldian lortutako puntuazioak batuz, eta puntuaziorik handiena lortzen duen izangaiaren aldeko izendapen proposamena egiten du. Aipatu proposamena Beteluko Udaletxeko iragarki oholean eta kirol mankomunitateko blogean emanen da argitaratu.



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

9.2. Izendapen proposamena argitaratu ondoko 5 egun naturaleko epearen barrenean, proposaturiko izangaiak Beteluko Udalararen erregistroan ondoko agiri hauek aurkeztu beharko ditu:

- a) Nortasun Agiri Nazionalaren fotokopia konpultsatua.
- b) Deialdiko hirugarren oinarrian eskatzen den titularen fotokopia konpultsatua, edo hura eskuratzeko eskubideak ordaindu izanaren gordekinarena.
- c) Eginkizun publikoetarako ezgaitua edo gabetua ez izatearen eta inongo administrazio publikoren zerbitzutik bereizi ez izanaren zinpeko aitopena.

Aipatu epearen barrenean, eta aski arrazoituriko ezinbesteko kasuetan izan ezik, aipatu agiriak aurkezten ez baditu, ezin izanen dute izendatu eta, beraz, bere jarduketa guztiak deuseztaturik geldituko dira, betiere bere eskabidearen falsukeriagatik legokiokeen erantzunbeharra ukatu gabe.

Aitzineko lerroaldean aurreikusitakoa gertatuz gero, gainditu dutenen zerrendan ondo-ondotik heldu den izangaiarekin beteko da hutsunea eta horrekin ere aitzineko ataletan adierazi bezala jokatu da.

#### 10.\_Errekurtsoak

10.1. Deialdi honen oinarrien aurka edo berau aplikatzeko egintzen aurka, aukeran, ondoko errekurtsuetako bat aurkez daiteke:

- a) Berraztertze errekurtsua, egintzaren organo egileari zuzendua, hilabeteko epean, jakinarazi edo argitaratu eta biharamunetik hasita.
- b) Administrazioekiko auzi-errekurtsua, Nafarroako Auzitegi Nagusiko arlo bereko salari zuzendua, bi hilabeteko epean, errekurritutako egintza argitaratu edo jakinarazi eta biharamunetik hasita.
- c) Gora jotzeko errekurtsua, zuzenean Nafarroako Administrazio Auzitegiari zuzendua, errekurritutako egintza edo erabakia jakinarazi edo argitaratu eta biharamunetik hilabeteko epean.

Betelun, 2017ko apirilaren 28an.\_ Araitz- Areso-Betelu-Larraun eta Lekunberriko Kirol Mankomunitateko burua, Joseba Eskamendi Iriarte.



**kirolmank**  
ARAITZ-ARESO-BETELU-LARRAUN eta  
LEKUNBERRIKO KIROL MANKOMUNITATEA

## II. ERANSKINA

Eskabide eredua

Izena ....., adinez nagusia, N.A.N. zenbakia ....., jaioteguna ....., jaioterria .....  
(.....), bizilekua, jakinarazpenak egiteko: ..... (.....), kalea ....., zenbakia ....., etxebizitza .....,  
posta kodea ..... telefonoa ..... eta korreo elektronikoa.....

Ante Vd. Zure aitzinera agertu eta adierazten dut:

Eskatzen dut onartua izatea Araitz-Areso-Betelu-Larraun eta Lekunberriko Kirol Mankomunitatearen zerbitzuko kirol koordinatzailearen behin-behineko ordezkapena burutzeko eta lan poltsa eratzeko oposizio-lehiaketa bidez betetzeko deialdira.

Ez dudala karguan aritzea galarazten didan eritasunik edo akats fisikorik nahiz psikikorik.

Indarra duten xedapenetan ezarritako ezintasunik ez dudala.

Badudala deialdiko hirugarren oinarrian adierazten den titulazioa.

Ez naizela bereizia izan ezein Administrazio Publikoren zerbitzutik eta ez nagoela eginkizun publikoetan aritzeko desgaitua.

Deialdian ezarritako azterketa eskubideak ordaindu ditudala, eta horren egiaztatzea erantsi dudala.

Baldintza guzti-guztiak betetzen ditudala eskabideak aurkezteko epearen azken eguna baino lehen.

Horrenbestez,

Eskatzen dut eskabide hau onartzeko eta, ondorioz, onartua izateko Araitz-Areso-Betelu-Larraun eta Lekunberriko Kirol Mankomunitatearen zerbitzuko kirol koordinatzailearen behin-behineko ordezkapena egiteko eta lan poltsa eratzeko oposizio-lehiaketa bidez betetzeko deialdira.

Euskara proba   BAI /   EZ   (markatu aukera egokia)

Lekunberri, 2017ko .....aren .....(e)an.

(Eskatzailearen sinadura)